

МОЛИТВЫ ОБ УСОПШИХ С ПОМЯНИНКОМ



Православие. Молитвы и молитвословы

Молитвы, молебны, богослужения

**Молитвы об усопших
с помянником**

«ЭКСМО»

2026

УДК 271.2
ББК 86.372

Молитвы, молебны, богослужения

Молитвы об усопших с помянником / Молитвы, молебны, богослужения — «Эксмо», 2026 — (Православие. Молитвы и молитвословы)

ISBN 978-5-04-248865-8

В книге «Молитвы об усопших с помянником» собраны все основные молитвы для поминания усопших православных христиан. Этот сборник поможет вам совершать молитвенное правило дома и в церкви. В издание включены: чин литии, который может совершать мирянин дома и на кладбище, канон об усопшем, последование по исходе души от тела, читаемое мирянином, и другие важные молитвословия. В формате PDF A4 сохранён издательский дизайн.

УДК 271.2
ББК 86.372

ISBN 978-5-04-248865-8

© Молитвы, молебны,
богослужения, 2026
© Эксмо, 2026

Содержание

Молитва детей об усопших родителях	6
Молитва родителей о почивших детях	7
Молитва вдовца	8
Молитва вдовы	9
Молитва за скончавшихся вне своего отечества, за безродных и убогих	10
Молитва о скончавшихся в состоянии душевного заболевания	11
Чин литии, совершаемой мирянином дома и на кладбище	13
Конец ознакомительного фрагмента.	14

Молитвы об усопших с помянником

© ООО «Издательство «Эксмо», 2026

Молитва детей об усопших родителях

Господи, Иису́се Христе́, Бо́же наш! Ты сирых хранитель, скорбящих прибежище и плачущих утешитель.

Прибегаю к Тебе аз, сирий, стеня и плача, и молюся Тебе: услыши моление мое и не отвори́ лица Твоего́ от воздыханий сердца моего́ и от слёз очей моих. Молюся Тебе, милосердый Господи, утоли скорбь мою́ о разлучении с родившим и воспитавшим мя родителем моим (*имя*), ду́шу же его́, яко отшедшую к Тебе с истинною ве́рою в Тя и с твёрдою надеждою на Твое человеколюбие и милость, приими́ в Ца́рство Твое Небе́сное.

Преклоняюсь пред Твоею святою волею, ёюже отъя́т бысть у мене́, и прошу́ Тя, не отыми́ то́чию от него́ милости и благосердия Твоего́. Вем, Господи, яко Ты Судия́ ми́ра сего́, грехи́ и нече́стия отце́в наказуеши в де́тях, вну́ках и пра́внуках да́же до тре́тьяго и четвёртаго ро́да: но и ми́луеши отце́в за моли́твы и добродётели ча́д их, вну́ков и пра́внуков. С сокруше́нием и умиле́нием се́рдца молю́ Тя, милостивый Судие, не наказуй́ ве́чным наказа́нием усо́пшаго незабвённого для мене́ раба́ Твоего́ родителя моего́ (*имя*), но отпусти́ ему́ вся согреше́ния его́ во́льная и нево́льная, сло́вом и де́лом, ве́дением и неве́дением сотворённая им в житии́ его́ зде на землё, и по милосе́рдию и человеколю́бию Твоему́, моли́тв ра́ди Пречи́стыя Богоро́дицы и все́х святы́х, поми́луй его́ и ве́чныя му́ки изба́ви.

Ты, милосе́рдый Отче отце́в и ча́д! Да́руй мне́, во вся́ дни́ жи́зни моея́, до послéднего издыха́ния моего́, не престава́ти па́мятовати о усо́пшем родителе моём в моли́твах своих, и умоля́ти Тя, пра́веднаго Судию́, да вчини́ши его́ в ме́сте све́тле, в ме́сте прохла́дне и в ме́сте поко́йне, со все́ми святы́ми, отону́дуже отбе́же вся́ка боле́знь, печа́ль и воздыха́ние.

Милостиве́ Господи! Приими́ днёсь о рабе́ Твоем (*имя*) тёплую моли́тву мою́ сию́ и возда́й ему́ воздая́нием Твои́м за труды́ и попече́ния воспита́ния моего́ в ве́ре и христиа́нском благоче́стии, яко научи́вшему мя пе́рвее всего́ ве́дети Тя, своего́ Господа, в благоговéнии моли́тися Тебе́, на Тебе́ Еди́наго упова́ти в беда́х, ско́рбех и боле́знях и хранити́ за́поведи Твоя́; за благопопече́ние его́ о моём духо́вном преуспе́янии, за тёпле приноси́мыя им о мне моле́ния пред Тобо́ю и за все дары́, им испро́шенные мне́ от Тебе́, возда́й ему́ Своёю милостию, Свои́ми небе́сными бла́гами и ра́достью в ве́чном Ца́рствии Твоем.

Ты бо еси́ Бог милостей и щедро́т и человеколю́бия, Ты поко́й и ра́дость ве́рных рабо́в Твои́х, и Тебе́ сла́ву возсыла́ем со Отце́м и Святы́м Ду́хом, и ны́не и при́сно и во ве́ки веко́в. Ами́нь.

Молитва родителей о почивших детях

Господи Иисусе Христе, Боже наш, Владыко живота и смерти, Утешителю скорбящих! С сокрушенным и умиленным сердцем прибегаю к Тебе и молюся Ти: помяни, Господи, во Царствии Твоем усопшаго раба Твоего, чадо мое (*имя*), и сотвори ему вечную память. Ты, Владыко живота и смерти, даровал еси мне чадо сие. Твоей же благой и премудрой воле изволися и отъяти е у мене. Буди благословенно имя Твое, Господи. Молю Тя, Судие неба и земли, безконечною любовью Твоею к нам, грешным, прости усопшему чаду моему вся согрешения его, вольная и невольная, яже словом, яже делом, яже ведением и неведением. Прости, Милостиве, и наша родительская согрешения, да не пребудут они на чадах наших: вем, яко множицею согрешихом пред Тобою, множицею не соблюдохом, не сотворихом, якоже заповедал еси нам. Аще же усопшее чадо наше, нашея или своя ради вины, быше в житии сем, работая миру и плоти своей, и не паче Тебе, Господу и Богу своему: аще возлюбил прелести мира сего, а не паче Слово Твое и заповеди Твоя, аще предавшеся сластем житейским, а не паче сокрушению о гресех своих, и в неводержании бдение, пост и молитву забвению предавше – молю Тя усердно, прости, преблагий Отче, чаду моему вся таковыя прегрешения его, прости и ослаби, аще и ино злое сотвори в житии сем. Христе Иисусе! Ты воскресил еси дочь Иаира по вере и молитве отца ея. Ты исцелил еси дочь жены-хананейки по вере и прошению матери ея: услыши убо и молитву мою, не презри и моления моего о чаде моем. Прости, Господи, прости вся согрешения его и, прости и очисти душу его, изми муки вечныя и всели со всеми святыми Твоими, от века благоугодившими Тебе, идеже несть болезнь, ни печаль, ни воздыхание, но жизнь безконечная: яко несть человек, иже жив будет и не согрешит, но Ты Един еси кроме всякаго греха: да егда имаши судити мирови, услышит чадо мое превозделанный глас Твой: приидите, благословенные Отца Моего, и наследуйте уготованное вам Царствие от сложения мира. Яко Ты еси Отец милостей и щедрот. Ты живот и воскрешение наше, и Тебе славу возсылаем со Отцем и Святым Духом, ныне и присно и во веки веков. Аминь.

Молитва вдовца

Христэ Иисусе, Господи и Вседержителю! В сокрушении и умилении сердца моего молюся Тебе: упокой, Господи, душу усопшия рабы Твоея (*имя*), в Небесном Царствии Твоем. Владыко Вседержителю! Ты благоволил еси супружеский союз мужа и жены, егда рекл еси: не добро быти человеку единому, сотворим ему помощника по нему. Ты освятил еси союз сей во образ духовнаго союза Христа с Церковию. Верую, Господи, и исповедую, яко Ты благословил еси сочетати и мене сим святым союзом с единою из рабынь Твоих. Твоей же благой и премудрой воле изволися отъяти у мене сию рабу Твою, юже дал еси мне, яко помощницу и сопутницу жизни моея. Преклоняюся пред сею Твоею волею, и молюся Ти от всего сердца моего, приими моление мое сие о рабе Твоей (*имя*), и прости ей, аще согреши словом, делом, помышлением, ведением и неведением; аще земное возлюбил паче небеснаго; аще о одежде и украшении тела своего печеся паче, неже о просвещении одеяния души своея; или аще небреже о чадах своих; аще преогорчил кого словом или делом; аще пороптал в сердце своем на ближняго своего или осудил кого или ино что от таковых злых содела. Вся сия прости ей, яко благий и человеколюбивый: яко несть человек, иже жив будет и не согрешит. Не вниди в суд с рабою Твоею, яко созданием Твоим, не осуди ю по грехом ея на вечныя муки, но пощади и помилуй по велицей милости Твоей. Молю и прошу Тя, Господи, сил даруй ми по вся дни жизни моея не преставая молиться о усопшей рабе Твоей, и даже до кончины живота моего просити ей у Тебе, Судии всего мира, оставления согрешений ея. Да яко же Ты, Боже, положил еси на главу ея венец от камене честна, венчая ю zde на земли; тако увенчай ю вечною Твоею славою в Небесном Царствии Твоем, со всеми святыми, тамо ликующими, да вкупе с ними вечно воспевают всесвятое имя Твое с Отцем и Святым Духом. Аминь.

Молитва вдовы

Христѣ Иисусе, Господи и Вседержителю! Ты плачущих утѣшеніе, сирых и вдовиц заступленіе. Ты рекл еси: призови Мя в день скорби твоея, и изму тя. Во дни скорби своея прибегаю к Тебѣ аз и молюся Ти: не отврати лица Твоего от мене и услыши моленіе мое, приносимое Тебѣ со слезами. Ты, Господи Владыко всяческих, благоволил еси сочетати мя с единым из рабов Твоих, во еже быти нам едино тело и один дух; Ты дал еси мне сего раба, яко сожителя и защитника. Твоей же благой и премудрой воле изволися отъяти от мене сего раба Твоего и оставити мя едину. Преклоняюся пред сею Твоею волею и к Тебѣ прибегаю во дни скорби моея: утоли печаль мою о разлученіи с рабом Твоим, другом моим. Аще отъял еси его от мене, не отыми от мене Своея милости. Якоже некогда приял еси вдовицы две лепты, тако приими и сие моленіе мое. Помяни, Господи, душу усопшаго раба Твоего (*имя*), прости ему все согрешения его, вольная и невольная, аще словом, аще делом, аще ведением и неведением, не погуби его со беззаконными его и не предаждь вечной мукѣ, но по велицей милости Твоей и по множеству щедрот Твоих ослаби и прости вся согрешения его и вчини его со святыми Твоими, идеже несть болѣзнь, ни печаль, ни воздыханіе, но жизнь безконечная. Молю и прошу Тя, Господи, даруй ми во вся дни жизни моея не преставати молиться о усопшем рабе Твоем, и даже до исхода моего просити у Тебѣ, Судии всего міра, оставления всех согрешений его и вселения его в Небесныя обители, яже еси уготовал любящим Тя. Яко аще бо и согреши, но не отступи от Тебѣ, и несумненно Отца и Сына и Святаго Духа православно даже до послѣдняго своего издыханія исповеда; тем же веру его, яже в Тя, вместо дел ему вмени: яко несть человек, иже жив будет и не согрешит, Ты един кромѣ греха, и правда Твоя – правда во веки. Верую, Господи, и исповѣдую, яко Ты услышиши моленіе мое и не отвратиши лица Твоего от мене. Видя вдовицу, зельне плачущу, умилосердився, сына ея, на погребѣние несома, воскресил еси: тако умилосердився, утиши и скорбь мою. Яко же отверзл еси рабу Твоему Феофилу, отшедшему к Тебѣ, двѣри милосердія Твоего и прости ему прегрешения его по молитвам Святыя Церкви Твоея, внемля молитвам и милостыням супруги его: сице и аз молю Тя, приими мое моленіе о рабе Твоем и введи его в жизнь вечную. Яко Ты еси упованіе наше. Ты еси Бог, еже миловати и спасати, и Тебѣ славу возсылаем со Отцем и Святым Духом. Аминь.

Молитва за скончавшихся вне своего отечества, за безродных и убогих

Господи Иисусе Христе Боже наш, сирых Защитниче, странных Наставниче, плавающих Кормчий, обуреваемых пристанище, с путешествующими путешествующий, утешение плачущих, нищих кормителю! Молим Тя, Многомилостиве Господи, помяни во Царствии Твоем души усопших раб Твоих (*имена*), в вере преставльшихся к Тебе, но отшедших в земли чуждей, без матерняго Святыя Твоея Церкви напутствия и благословения. Приими, Владыко, под Твое благоутробие рабов преставльшихся тамо в скорби и печали о своих присных и ближних, имже никтоже бе утешаяй в страшный час смерти, идеже никтоже бе возносяй Тебе тёплое моление о благодѣишном прохождении их от сея привременныя жизни в мир горний. Темже убо молим Тя, Преблагий, молим Тя, вездесущий и присносущный Господи, воззри на сих рабов Твоих благосердием Твоим, прости им всякое согрешение вольное и невольное, словом и делом содеянное и вся, яже в ведении и неведении. Умоляем Тя молитвами и предстательством Матере Твоея, Пресвятыя Владычицы нашея Богородицы, и всех святых, не погуби отшедших к Тебе со беззаконием их, но сотвори им велию милость Твою, яви им Твое человеколюбие и щедроты Твоя, приведи их к тихому Твоему пристанищу и водвори их в Дому Твоем.

Еще молимся о упокоении душ усопших раб Твоих [*души усопшаго (-ия) раба Твоего (рабы Твоея)*] (*имена*), отшедших к Тебе безродными и никогже от присных своих о себе молитвенников имущими, разве Святыя Твоея Церкви; сего убо ради молим Тя, Господи, приими и о сих наше моление: прости им вся согрешения и помилуй их по велицей Твоей милости; всели их во Святом жилище Твоем, да обрящут в Тебе покой, яко в Спасителе и Искупителе рода человеческого.

Господи! Господи! Аще усопшия раби Твой, иже быша в нищете и убожестве, за чашу студеныя воды, за укрух хлеба, за едину лепту, поданныя им во имя Твое, приносили быша Тебе моления о нас, прошения и благодарения; аще сирые благословляли быша благотворящую им руку, моляся о ниспослании нам благ Твоих, того убо ради молим Тя ныне, Христе Боже наш, и мы о них: помяни убо во Царствии Твоем сих, яко меньших, по реченному Тобою, братьев Твоих; прости им всякое прегрешение вольное и невольное, покрый их Твоим благоутробием и всели их во Святыи чертог Твой; и яко получающих zde на земли пропитание чрез призывание святаго Твоего имени, препитай тамо на небеси от тука дома Твоего и да утешатся, и да наслаждаются нескончаемою радостью вси истинно плакавшие к Тебе; водвори их со святыми Твоими, да вси купно у Тебе, Судие живых и мертвых, составят сонмы избранных Твоих, и тако да славят, хвалят и превозносят безпредельное Твое милосердие в безпредельные веки. Аминь.

Молитва о скончавшихся в состоянии душевного заболевания

Дивна дела Твоя, Господи, и величю Твоего разума несть конца! Коль многообразными и неизследимыми стезями преводиши Ты люди Своя в вещь сем от добльняго мира к горнему! Разоряеши бо премудрость премудрых, отвергаеши разум разумных, высокия и гордыя расточаеши и смиряеши, сильныя и доблородныя низлагаеши и посрамляеши; буия же и смиренныя, уничиженныя, немощныя и худородныя избираеши, возвышаеши, укрепляеши и прославляеши, открываа премудрыя и благие советы всепромыслительнаго смотрения Твоего младенцем и утаеваа их от тех, иже о себе мнятся быти совершени умы своими. Кто доволен есть уразумети вся судьбы Твоя, Боже, имиже, по богатству благодости Своея и долготерпения, вразумляеши, научаеши и спасаеши нас, грешных и недостойных рабов Твоих? Овому прилагаети смысление и даруеши здравое рассуждение, оваго же обуяеши, у оваго исторгаети сердце каменно и влагаети плотяно; овому ниспосылаети крепость и бодрость телесну, вкупе же и мужество душевно; овому же болети душею и телом попускаеши; оваго радуеши, овому же печаловатися хощеши; оваго живиши, оваго же мертвиши. О, великий и неисповедимый в тайнах Своего смотрения о нас, Господи Боже наш! Вем и от всего сердца исповедую пред Тобю, яко и со усопшим (-шею) приснопоминаемым (-мою) мною рабом Твоим (*рабою Твоею*) (*имя*), не без премудраго и благаго изволения и смотрения Твоего бысть сокрушительный недуг душевный, егже истинная вина и вся сила Тебе Единому точию ведома суть: темже благоговейно повергаяся пред Твоими, Господи, неизреченными, но выну спасительными судьбами, со умилением вопию Ти: приклони ухо Твое к молению моему и человеколюбие вонми ми, и скоро услыши молитву мою о сем рабе Твоем (*Твоей*). Недоумеваю бо и зело скорблю о необычайных судьбах его (*ея*), зане, не якоже инии человецы смысленнии, самосознательни и тверди в памяти, отиде к Тебе от нас, но яко лишён (-на) сый ума, извращен в смысле, болезненно опечалован (-на) сердцем, не имеяй самообладательныя силы своего изволения, нейстово и свирепо являющийся в деяниях своих. Господи! Господи! Что сие есть неудоборазумеваемое некое в душевной жизни человечестей явление? Како созданный по образу и по подобию Твоему впадает в крайнее неразумие, безумствует, нейстовствует и содевает неподобная? Что убо сие есть с дыханием жизни Твоея, Боже Вседержителю? Войстинну, по Твоим, Господи, неизследимым путям и неизреченным советам вся сия премудро и благим намерением Тобю устроятся: наводиши бо, яко привременное наказание, и попускаеши толикая нестроения и превращения в чудном составе существа нашего, да сокровенными у Тебе тако путями устроиши, возставиши и исправиши вся стропотная и развращенная, яже неразсудным, злым и лукавым обычаем учинена суть, и тако видимая злая у человек, у Тебе, Всеблагий Владыко, приснотекущий Источниче Премудрости и разума, у Тебе обращаются во благая. Того ради смиренно припадая к неистощимым щедротам Твоим, Человеколюбче Спасе наш, молю Тя, Подателю благих, прими усопшаго (-ую) раба Твоего (*рабу Твою*) (*имя*), яко тако люте болезновавшего (-ую) и страдавшего (-ую) в житии сем, прими милостию Твоею, да не пробавиши, Блаже, и тамо, во стране отшедших от нас братьий наших, стужения и страдания его (*ея*), яже суть безмерно лютейша неже zde земная; но отврати от него (*нея*) прещение гнева Твоего и воззри на него (*на ню*) пресветлым оком милосердия Твоего; но не предаждь люте погибнути во веки, зане и Сам, Премилосердый Спасе, не хощеши смерти грешника, не хощеши, да кто погибнет, Сладчайший Иисусе Христэ, Сыне Божий, исцеляяй неисцельно-недугующих телом, прокаженных очищаяй и бесных творяя смыслящими! Молю Тя, Господи, исцели душу усопшаго (-иши) раба Твоего (*рабы Твоея*) (*имя*), очисти его (*ю*) от всех вольных и невольных, ведомых и неведомых прегрешений и грехопадений его (*ея*), Сам, Спасе, очисти, якоже не возмогшаго

разумно и в здравой памяти исповедатися Тебѣ в них, тогѡ ради умиласѣрдися о нем (*о ней*), Господи, и возьми от него (*от нея*) все тяжкое бремя грехѡв. Вземляй грехи мира! Покрый и оправдай его (*ю*) Своею благодатию, и имже вси судьбами. Спаси раба (*-бу*) Твоего (*-ю*) от избранных Твоих, но сподоби общником (*-цею*) быти и небесных ликостояний, яко убогаго (*-ую*) раба Твоего (*рабу Твою*), иже (*яже*) zde на земли отлученна (*-у*) и отчужденна (*-у*) себе имяше от сродников своих, друзей и ближних, и не лиши его Небеснаго Твоего Царствия, яко лишенна (*-ну*) zde на земли видети благая Твоя и оставлена (*-ну*) влачити дни свой исполнени горькоплачевных деяний: тогѡ ради, молю Тя, Господи, упокой его (*ю*) со святыми Твоими в Дому Отца Твоего, с Нимже Тебѣ, Избавителю и Жизнодавцу нашему, купно со Пресвятым Твоим Духом славу возсылаем всегда, ныне и присно и во веки веков. Аминь.

Чин литии, совершаемой мирянином дома и на кладбище

Моли́твами святы́х оте́ц на́ших, Го́споди Иису́се Христе́, Бо́же наш, поми́луй нас. Ами́нь.

Царю́ Небе́сный, Уте́шителю, Ду́ше и́стины, Иже везде́ сый и вся исполня́й, Сокро́вище благи́х и жи́зни Пода́телю, прииди́, и всели́ся в ны, и очисти ны от вся́кия скве́рны, и спаси́, Бла́же, ду́ши на́ша. *(молитва Святому Духу не читается от Пасхи до Дня Святой Троицы)*

Святы́й Бо́же, Святы́й Кре́пкий, Святы́й Безсме́ртный, поми́луй нас. *(3 раза)*

Сла́ва, и ны́не:¹

Пресвята́я Трѳи́це, поми́луй нас; Го́споди, очисти́ грехи́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй. *(3 раза)*

Сла́ва, и ны́не:

Отче наш, Иже еси́ на небесе́х! Да святѳ́тся и́мя Твое́, да приидет Ца́рствие Твое́; да бу́дет во́ля Твоя́, я́ко на небеси́, и на земли́. Хлеб наш насущный да́ждь нам днесь; и оста́ви нам до́лги на́ша, я́коже и мы оставля́ем должнико́м на́шим; и не введи́ нас во искуше́ние, но изба́ви нас от лука́ваго. Я́ко Твое́ есть ца́рство, и си́ла, и сла́ва, Отца́, и Сы́на, и Свята́-го Ду́ха, ны́не, и прѳ́сно, и во ве́ки веко́в. Ами́нь.

Го́споди, поми́луй. *(12 раз)*

Сла́ва, и ны́не:

Приидѳ́те, поклонѳ́мся Царе́ви на́шему Бо́гу.

Приидѳ́те, поклонѳ́мся и припаде́м Христу́, Царе́ви на́шему Бо́гу.

Приидѳ́те, поклонѳ́мся и припаде́м Само́му Христу́, Царе́ви и Бо́гу на́шему.

Псалом 90

Живы́й в по́мощи Вы́шняго, в кро́ве Бо́га Небе́снаго водвори́тся. Рече́т Го́сподеви: Засту́пник мой еси́, и Прибе́жище моё, Бог мой, и упова́ю на Него́. Я́ко Той изба́вит тя от сѳ́ти ловчи и от словесе́ мяте́жна, плещма́ Своѳ́ма осенѳ́т тя, и под криле́ Его́ наде́еши́ся: ору́жием обы́дет тя и́стина Его́. Не убойши́ся от стра́ха но́щнаго, от стрѳ́лы летя́щия во дни, от ве́щи во тьме прехо́дящия, от сря́ща и бе́са полу́деннаго. Падѳ́т от страны́ твоея́ ты́сяща, и тма одесну́ю тебе́, к тебе́ же не прибли́жится: оба́че очѳ́ма твоѳ́ма смѳ́триши, и воздая́ние грѳ́шников у́зриши. Я́ко Ты, Го́споди, упова́ние моё, Вы́шняго положи́л еси́ прибе́жище твое́. Не приидет к тебе́ зло, и ра́на не прибли́жится телеси́ твоему́. Я́ко а́нгелом Своѳ́им заповѳ́сть о тебе́, сохра́нити тя во всех путе́х твоѳ́их. На рука́х во́змут тя, да не когда́ преткне́ши о ка́мень ногу́ твою́. На а́спида и васи́ли́ска насту́пиши, и попере́ши льва́ и зми́я. Я́ко на Мя упова́, и изба́влю и; покро́ю и, я́ко позна́ и́мя Моё. Воззовѳ́т ко Мне, и услы́шу его́; с ним есмь в ско́рби, изму́ его́, и просла́влю его́; долгото́ю дний испо́лню его́, и явлю́ ему́ спасѳ́ние Моё.

Сла́ва Отцу́, и Сы́ну, и Свято́му Ду́ху, и ны́не, и прѳ́сно, и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́, Бо́же. *(3 раза)*

Тропарь, глас 4-й

¹ При сокращении **Сла́ва, и ны́не:** читается молитва: Сла́ва Отцу́ и Сы́ну и Свято́му Ду́ху, и ны́не и прѳ́сно и во ве́ки веко́в. Ами́нь.

Конец ознакомительного фрагмента.

Текст предоставлен ООО «Литрес».

Прочитайте эту книгу целиком, [купив полную легальную версию](#) на Литрес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.